

寶星陀羅尼經

學佛社
發行

政大學佛社恭印

寶星陀羅尼經

迴向

世界和平

眾生安樂

風雨順時

災禍不興

戰亂止息

鬥爭消弭

迴向

關閉一切惡趣之門

開人天涅槃正道

寶星陀羅尼經

印贈者：政大學佛社

電話：22196093 · 29381502

承印者：勝昱印刷有限公司

電話：23078179 · 23051989

中華民國九十二年八月 首次印行二千本

非賣品

翻印廣傳

功德無量

前 言

一、此經典出自於「大正新修大藏經」第十三冊五三七至五八二頁。另外，經典中的主要部份，也出現在《大方等大集經》卷十九（二）（寶幢分）。

二、於釋迦牟尼佛的言教，修行者一般而言有「十法行」，所謂：書寫、供養、施他、聽聞、披讀、受持、開演、諷誦、思惟、修習。這部經典也一樣，大眾可以行十法行，尤其在經文中有特別提到書寫（手抄寫）與供養的無邊利益。當然，最重要的是思惟與修習。

三、國立政治大學學佛社於二〇〇二年八月開始研讀這部經典。為了便於講解與理解，本社指導老師特別將經文重新分段、分句、標點，並斟酌版本間的異同，加以校勘，務使佛陀的教義得以順利彰顯。在陀羅尼的部份，漢字音譯兼採明本，附錄中的羅馬拼音乃是參照漢字音譯、梵字羅馬拼音以及梵和辭典，稍作整理而成。從古至今漢字的語音變化很大，所以羅馬拼音會比較接近原來的陀羅尼音。

四、此經典現在的樣貌，即是學佛社承受佛陀教化的樣貌。我們的初衷與究竟本心都是在於修行與教化。所以，姑且別名之為「學佛社教化資料」，以自我

課勵。

五、若是各位賢善大眾於此經典有疑問，希望有人能為之講解，或者希望學習陀羅尼的讀法，請與學佛社聯絡，我們會為之安排。願意贊助本經的印行以施他者，我們亦隨喜。我們更歡迎自行翻印或影印本經，以流通世間。一切智慧財產權均屬於本師釋迦牟尼佛，因為遍達一切最高的智慧即是如來「無我」的智慧。

以我所行善功德，迴向累劫父母恩，迴向傳法善知識，迴向護法賢聖眾，迴向清淨眾生土，迴向莊嚴佛剎海，迴向菩提金剛性，迴向如幻般若藏，迴向菩薩大悲願，迴向法界等一如；念念無著無生滅，念念自在力解脫。一聲南無佛，眾生成佛道。

南無本師釋迦牟尼佛，南無本師釋迦牟尼佛，南無本師釋迦牟尼佛，南無本師釋迦牟尼佛

寶星陀羅尼經 目錄與摘要

前言
經文

卷一

降魔品第一：佛二大弟子趣向佛道因緣；惡魔欲壞之，世尊現三昧威神，魔女魔子歸命。…………… 1

卷二

本事品第二：佛為魔眷屬說遠離惡友法；十五大菩薩各說得菩提法；佛說宿世因緣及寶星陀羅尼廣大功德——滅女身三業惡行、消滅鬥諍飢饉疾病橫死。…………… 16

卷三

魔王歸伏品第三：欲界諸魔咸欲勸阻魔王；魔童子欲誘四大聲聞，反被其所化；蓮華說偈歎佛，無量諸魔下至王舍大城瞻仰供養如來。…………… 33

卷四

魔王歸伏品之餘：魔王來在會中，盡其神力不能擾之，無奈佯稱歸命。…………… 50

大集品第四：佛發足向王舍大城，天龍大眾諫佛勿去，世尊施以無畏；佛入首楞嚴三昧，隨眾生種類，現微妙色身一一化度；光味仙人以曆算法問難，為世尊摧伏；光味得菩薩寶星三昧。……………

52

卷五

相品第五：世尊於王舍城門調伏住待，震動十方佛刹；十方世界諸菩薩聲聞眾，皆來詣供養釋迦如來；世尊入城，出大圓音演說法義；魔王為五欲縛；十方諸如來俱往法會，為聽釋迦如來說《金剛法等因緣法心摧碎陀羅尼》。……………

70

卷六

陀羅尼品第六之一：東西南北上下方世界諸佛，普來集會；須菩提請法，釋迦如來說往昔本願；諸佛等同說《金剛法等因緣法心摧碎陀羅尼》，摧碎諸魔惡境界，一切眾生得受法味；月光童子願擁護此法；大自在梵天王以女人形，誓擁護此法。……………

86

卷七

陀羅尼品之餘：妙音梵王以女人形，無相觀佛；佛勸魔王與其魔眾發阿耨多羅三藐三菩提心；妙音大梵願受持此法，擁護法師，特別善護持成就一切女人。

攝受妙法品第七：妙慧通達菩薩現八萬四千淨妙之相，佛說其功德及往昔本願。……………

107 102

授記品第八：釋梵天王八部眾等，於如來前各各發願，願於現在及未來世護持如是妙

法——息華魔願以女人形，惠施眾生飲食華果，以具足圓滿六波羅蜜。……

109

卷八

授記品之餘：佛授息華魔菩提記；成就智菩薩亦願為女形，以大地精味和合為藥，消

滅諸眾生病苦，以具足般若波羅蜜；佛亦為之授記；如是持地、智上、示現灰菩薩等及無量諸種子天林天果天等，皆願作女形，化度眾生；佛亦為之一一授記。……

114

慈愍品第九：釋迦如來說一切法平等神咒，加護息華等滿足所願，以女人形相，建立

丈夫所作之事。……

118

擁護品第十之一：一切諸佛重以《金剛法等因緣法心建立摧碎陀羅尼》法門付囑大

眾，令護持未來傳法人，供給所須，所在國土風雨順時，災害不興。

121

卷九

擁護品之餘：但能書寫此經，於家中安置供養，即得無邊福報；並隨所有聚落國土，

此法門流通之處，彼土地肥沃，人民豐足安樂，益壽延年。……

125

護正法品第十一：此經亦令一切福行增長、一切修行增上；此世界梵天王、帝釋、護

世四天王，亦各各說誓，擁護經典與法師；此四天下所有夜又大將軍眾，亦共同聲擁護；不去魔說咒，降伏未來起破壞心，欲惱亂持法四眾之惡魔并魔眷屬魔男女。……

129

卷十

阿吒薄俱品第十二：阿吒薄俱大將軍等五夜又說往昔誓願，為調伏教令惡夜又，令

生淨信，置之正道；阿吒薄俱說《金剛大暴惡明咒》，除諸鬼病厭盡毒怪。……

139

諸佛還國品第十三：大栴檀香如來說有十種法，一切諸佛世尊加護持法人及聽法

者；俱蘇摩幢如來、勝寶蓋如來、須彌峰如來，釋迦如來、阿閼如來以及淨三昧勇力如來等無量無數諸佛世尊，各說偈稱歎此經無量功德。……

144

附錄一：陀羅尼梵文羅馬拼音

附錄二：降伏疫病與一切天災人禍法門

寶星陀羅尼經

唐天竺三藏波羅頗蜜多羅譯

寶星陀羅尼經卷第一 降魔品第一

如是我聞，一時婆伽婆住王舍城竹林迦蘭陀池邊，與大比丘眾一千人俱，皆阿羅漢，諸漏已盡，所作已辦，捨諸重擔，逮得己利，盡諸有結，皆得正知，心善解脫；及大菩薩一萬人俱，其名曰：持須彌頂童真、水智童真、地智童真、勝智童真、空智童真、明智童真、電智童真、文殊師利童真、降伏勝童真、水天童真、無垢童真，彌勒菩薩摩訶薩等而爲上首，一切皆得羸提陀羅尼三摩提，具足一切法無障礙智，於一切眾生其心平等，過諸魔界，善入一切如來智境界，具足大慈大悲，善解方便智，皆隨佛住王舍大城竹林迦蘭陀池邊。

爾時王舍大城有二外道，聰慧明達，過十八明處，與五百人俱，一名優波底沙，二名俱利多，而爲上首，共相謂言，契同甘露。爾時長老阿說示於日初分著衣持鉢，入王舍大城乞食，時優波底沙見阿說示，生希有心：「我未曾見

如此沙門，威儀庠序，更無有人如彼比丘，我應往問，今此長老以誰爲師，依誰出家，依誰求法？」爾時優波底沙即往彼所，到已問訊，種種語已，卻住一面，白長老阿說示言：「以誰爲師，依誰出家，依誰求法？」爾時長老阿說示答優波底沙言：「有釋種子，勇猛精進，能大苦行，於一切處最上自在，已度生死無邊大海，今以大悲欲度眾生，號名爲佛，覺悟眾生，乾竭苦海，無與等者，我常歸依求無垢法。」優波底沙言：「彼師爲汝說何等法，以何教示？」時長老阿說示答優波底沙曰：「善哉快哉，諦聽諦聽，當爲汝說。」便說偈言：

「煩惱業因緣，世間如是轉；煩惱業不生，導師如是說；

生老死定壞，彼解脫無上；如彼勇牛王，如來自悟說。」

爾時優波底沙聞此法已，遠塵離垢，法眼清淨，得須陀洹果，而說偈言：

「我證解實法，永竭生死河；所謂如來說，難得甘露藏；

眾生得息苦，智慧能斷除；諸法種種修，能作究竟道；

行此究竟道，得無等涅槃。」

爾時優波底沙說此偈已，白長老阿說示言：「長老，汝師如來阿羅訶三藐三佛，今在何處？」阿說示答言：「長老，我師如來，今在王舍城竹林迦蘭陀池邊，

與大比丘眾一千人俱，本是外道，值佛出家。「優波底沙言：「我今辭善知識及諸眷屬，詣佛出家。」爾時優波底沙禮阿說示足，右遶三匝，辭已而去，往俱利多所。時俱利多見優波底沙從遠而來，見已，白優波底沙言：「仁者諸根清淨，顏色怡悅，必得甘露？」優波底沙言：「如是長老，我於今者得甘露法，諦聽諦聽，今爲汝說我所得法。」爾時俱利多即從坐起，偏袒右肩，右膝著地，合掌恭敬，便說偈請：

「說此吉祥無憂道，此道疾度三界海，分別諸陰大怨賊，乘此道已不還有。」

爾時優波底沙以所聞偈，即爲說之：

「煩惱業因緣，世間如是轉；煩惱業不生，導師如是說；

生老死定壞，彼解脫無上；如彼勇牛王，如來自悟說。」

爾時俱利多聞此偈已，心大歡喜，重更讚歎請說前偈：

「苦滅寂無垢，牟尼說此法；一切煩惱滅，諸見無知斷；

穢惡有為空，無我不可信；重說無垢句，我聞得涅槃。」

爾時優波底沙即便重爲說所聞偈：

「煩惱業因緣，世間如是轉；煩惱業不生，導師如是說；

生老死定壞，彼解脫無上；如彼勇牛王，如來自悟說。」

爾時俱利多聞此偈已，遠塵離垢，法眼清淨，得須陀洹果，復以偈讚：

「如此真行法，度流之疾船；此智息三苦，能度於世間；

諸陰煩惱魔，知此能調伏；解脫離怨諍，乾竭於苦海。」

時俱利多言：「今佛世尊住在何所？」優波底沙言：「長老，我聞世尊在王舍大城竹林迦蘭陀池邊，與大比丘僧及菩薩眾俱，我今定當與汝俱往至世尊所，求佛出家。」俱利多言：「如是長老，可語弟子往世尊所，相隨出家。」時優波底沙與俱利多往自眾所。爾時惡魔於一念頃，聞中摩伽陀國有二外道，優波底沙共俱利多及諸眷屬，聰明具足，名稱廣遠，是善丈夫，欲於沙門瞿曇法中出家學道，彼作是念：「呵奇哉！若此二人於彼沙門瞿曇法中而出家者，空我境界，我應至彼二丈夫所，破其出家，令著惡見。」爾時惡魔於一念頃從自宮沒，作阿說示形相威儀，便於中道現二人前，作如是說：

「如我先所說，試汝非決定；如汝意所行，宜速受欲樂；

一切黑白業，因果悉皆無，無生老病死，亦無於後世；

福非福果業，無有此因作；釋子為利說，汝莫信故去。」

爾時優波底沙、俱利多聞此說已，咸作是念：「此惡魔來，欲壞我等出家之事。」爾時優波底沙顧謂弟子，作如是言：「汝等今者當憶世間所有過患。」便說是偈：

「眾生為老逼，死苦之所纏；應當斷彼二，決定當出家。」

爾時俱利多即以偈頌答魔王曰：

「知無上善智，持法滅三苦；汝說不斷貪，我智終不動；

如是堅固心，於餘人所無；我等出苦輪，正智所不惑；

勿假師子像，而作野干聲。」

爾時見諦諸天住虛空中，讚二丈夫言：「善哉善哉，汝二丈夫，於一切眾生中最高上首，此道勝妙，於一切世間最高第一，此道息一切苦，此道入一切如來行處，此道一切諸佛所共稱揚——所謂依佛出家。」是時惡魔心生憂苦，便沒不現。

爾時優波底沙共俱利多，自觀已眾，喚諸弟子作如是言：「汝等應知，我等欲度老死苦海，故依佛出家，汝等若不樂佛出家，可於此住。」時五百弟子咸作是言：「我等解法，皆依師學，二師決定大處出家，二師所依出家處，我

等隨師，亦依彼眾出家學道。」爾時優波底沙及俱利多，與五百徒眾，欲往佛所。是時惡魔知彼事已，於王舍城外化作大坑，深百由旬，令彼二人不得往詣佛世尊所。是時如來以神通力，令彼二人不見大坑，直道而去。是時惡魔於二人前，復更化作高峻大山，高千由旬，峻堅嶮峻，無有穿缺，於彼山中復更化作一千師子，威猛可畏，是時世尊以神通力加彼二人，不見大山及彼師子，又無威猛可畏之聲，直道而往詣世尊所，及彼無量百千之眾，圍遶供養說法之處。

爾時世尊告諸比丘：「汝等見彼二善丈夫爲眾上首，與諸徒眾來至我所，汝等見不？」諸比丘答，咸言：「我見。」佛言：「此善丈夫及諸徒眾，我邊出家，一人於我一切聲聞弟子之中智慧第一，一人於我聲聞眾中神通第一。」是時眾中有一比丘，以偈讚曰：

「此二聰叡眷屬俱，利益上者佛已記，具智神通無所畏，故我承迎二丈夫。」爾時彼比丘說此偈已，即從坐起，與無量比丘眾及出家優婆塞等迎彼二人，善言問訊。時彼二人往到佛所，到已頂禮佛足，右遶三匝住立佛前，白佛言：「世尊，我等今者求佛出家，受比丘戒，修行梵行。」佛言：「善男子，汝二人名字何等？」優波底沙言：「底沙是父，舍利是母，我今從母，故名舍利弗。父

母今者聽我出家。」俱利多言：「憍陳如是父，目犍連是母，我今從母，故名目犍連。父母今者聽我出家。」佛言：「汝等二人及諸眷屬，可於我所出家，具足修行梵行。」作是語已，時此二人成具足戒，五百徒眾未久之間，亦同二師得具足戒。

爾時惡魔即自化身作摩醯首羅像，住立佛前，說如是偈：

「世間利智能議論，方便勝智到彼岸，彼等悉來頂禮我，我是彼等大導師；瞿曇弟子并眷屬，一切宜速歸依我，我今為汝當廣說，安隱寂滅善妙道。」

爾時世尊以偈答曰：

「汝所說道趣惡道，眾生行者沈苦海；我道能令動不動，世間苦海悉乾竭；何故傲慢耐無恥，復作矜高野干聲，我今退破汝魔事，不復於我能所作。」

爾時惡魔變摩醯首羅像，即沒不現，復作梵天王像，住於佛前，說如是偈：

「煩惱有業芽，智慧已斬除，何故強於此，勤苦利眾生？

於世無自在，以無堪道器；牟尼病已除，宜速入涅槃。」

爾時世尊即以偈頌報魔王曰：

「我觀諸眾生，過彼恆沙量，以大慈悲力，教化令解脫，

上中下眾生，令世間解脫；眾生解脫已，然後乃涅槃；

何故以惡惠，詐諂請於我？」

爾時惡魔心生憂悔，於佛前沒，還自天宮，入憂惱室默然而坐。當於爾時一剎那頃，魔諸眷屬互相推問：「今我大王以何因緣，入憂惱室無人知者？」爾時魔王五百伎女種種莊嚴，各持華鬘末香塗香，鼓天伎樂，五百音聲第一微妙，歌舞戲樂甚可愛樂，集魔王前。爾時魔王悲啼握手，抑止悲聲，如是作已，暫時默住。諸伎女等復更歌舞，作欣悅狀，令魔歡喜。爾時魔王舉手大叫，作如是語：「莫聲莫聲！」乃至七返，諸伎女等默然而住。

爾時魔王有一伎女，名電可意聲，至魔王所，曲躬合掌，說如是偈：

「汝今居自在，如見死相憂，為是擔重擔，今乃生怖慄？

誰有勝力怨，而憂不歡悅？」

是時魔王說偈報曰：

「我有大怨：調伏心，善學幻術釋迦子；

我無方便能壞彼，如是不久欲界空。」

時彼伎女便說偈曰：